

Verzagt net

Ihr Leitle, verzagt net!
Is wird wieder schie,
is FrieHgahr kimmt wieder,
macht allis wieder grie.

Is warn de Bachle wieder rauschn,
e linds Liftl ward streichn,
ieber de Blimle of de Wiesen
warn de Schmatterling steign.

De Böchle warn sänge
in sonnicher Zeit,
is war klinge un rauschn
durchn Wald esu weit.

Läfts wattern un stürme,
dortrogt Sorg un Nut!
Is FrieHgahr muss kumme,
macht allis wieder gut!

Anton Günther



FAHRDIENST

Wer am 13.01.2022 abgeholt und auch **wieder nach Hause**
gefahren werden will, der möchte bitte bis 17:00 Uhr anrufen:

Uta Schmidt, Tel.: 2395




Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
202

Mitteilungsblatt des
Erzgebirgischen Heimatvereines
Eibenstock e.V.

Januar
2022



**All unseren Mitgliedern und Freunden wünschen wir
für´s Jahr 2022 alles Gute, aber vor allem viel Gesundheit und
gebt niemals die Hoffnung auf!**

Wie e Packl uhne Post nooch dor Schweiz kimmt

Habt ihr schu mol e Packl nei de Schweiz geschickt? Ach su, ihr habt niemand in den bargischn Landl, do braucht ihr natierlich aa nischt ze vorschickn. Mir ham nu aber emol unnere Maad do driebn un wenn mer – wie itze in dare Viruszeit - siech net su oft besuchn kaa, muss halt emol e Packl sei, gerod aa itze in dor Weihnachtszeit!



Des hat aber e paar Dingle, die mor do schu eweng beachtn muss: zeallerersch emol dor Preis, dar is ganz schie enorm hoch. Des deitsche Porto kost ja suviel wie e Geschenk extra.

Un dann noch de Zolldorkläring: do musste allis naufschreibn, wos drinne is un wenn de Pech hast, macht dor Zoll des aa noch auf un guckt nei, öb des aa allis stimmt.

Alsu, dorwagn ne leberleechung wart, des ze imgieh. Aber wie? Ganz uhne de Post? Wie söll dä des gieh?

Mannichsmol kimmt en do aa e Zufall ze Hilf – oder besser gesaat, ne Bekanntschaft. Un wies esu is, ward gelatscht, wenn mor siech esu of dor Stroß trifft. Meestns isis ja när suvos wie: Haste schu gehärt, des...lech hob do wos dorfahrn... usw. Aber is gibt aa Momente, do is die Latscherei vu Vortaal, wie in unnern Fall.

„...uns giehts ganz gut, kaa Corona, allezam gesund. Mei Schwiechertochter kricht ball ihr 2. Kinnl. Do sei itze grod ihre Leit aus dor Schweiz ze Besuch komme. De Mutt bleibt eweng do bei ihr, aber ihr Vaat muss wieder nieber un of Arbit gieh. Halt! Do klapperts in Oberstiebl! „Dar fährt wieder eham nei de Schweiz, wann dä?

„Nu glei an diesn Wochend.“

„Ach, do kennt dar doch epperemente unner Packl mit nei de Schweiz namme un dortn bei dor Post aufgabh, des kost do bei weitr net sun Haufn wie bei uns!“

„Ja, des macht dar bestimmt, kumm när su obnds viertlneinerim mit dein Packetl bei uns vorbei, dann klappt des schu!“



Wir gratulieren unseren Heimatfreunden

Ulli Limpert	am 06.01.	zum 65. Geburtstag
Viola Heinz	am 10.01.	zum 56. Geburtstag
Matthias Barth	am 17.01.	zum 65. Geburtstag
Uwe Staab	am 22.01.	zum 60. Geburtstag
Ute Haese	am 24.01.	zum 74. Geburtstag
Martina Wiech	am 25.01.	zum 64. Geburtstag
Andrea Barth	am 27.01.	zum 63. Geburtstag
Siegfried Schmidt	am 27.01.	zum 83. Geburtstag
Bärbel Radecker	am 29.01.	zum 75. Geburtstag



Im Dezember Blatt'l (Nr. 201) ist uns beim Geburtstag von unserer Heimatfreundin Karin Weidlich ein Fehler unterlaufen. Es muss richtig heißen:

Karin Weidlich am 03.12. zum 70. Geburtstag

Wir bitten dies zu entschuldigen.

*Wenn du eine Familie hast,
ein paar Freunde, Essen auf deinem Tisch,
und ein Dach über deinem Kopf,
dann bist du reicher als du denkst.*

- Unbekannt -

Glückauf ihr Leit – werds dä gieh?

*Mir wolln versuchn, des mir am
13. Januar unnere Jahreshauptversammlung
mit Vorstandswahl durchführn kenne.*

*Aber : Erscht emol owartn, wos beschlossn
ward un wu mir des derfn!*

*Mir maldn uns kurz zavor per Telefon oder
Extra-Blattl !*

*Neies Gahr – neies Glick,
de Hoffning stirbt zeletzt!*



Es war einmal... wer kaa siech noch do dra dorinnern?



Mei Op,
dor Neuschrack, Bruno

Tja, wer wass dä, wu die Ausstellung in Eimstock war un wos dortn ausgestellt wurn is... ja ja – Märchn schu, des stieht nu do ubn in dare Kart! Aber vu wem warn dä die ganzn Figurn? Do sei aa noch e paarle dorvu in unnern Stickereimuseum ze saah.

Wer's als erschter wass un miech aaruft (2395), dar kricht e schiens vun unnere Büchln mit de Blattl-Geschichtn geschenkt – Ehrnwort!



Wenn ieh sooch, wos iech denk,
bi iech schlacht dorzugn.
Wenn iech's net sooch,
bi iech scheihaalich.
Wenn iech miech net vorteidich,
hob iech ken Charakter.
Wenn iech lach,
namm iech allis ze leicht...
un wenn iech's net tu,
bi iech vorbittort.
Egal wos mor aa macht,
is gibt immer jemand,
dar allis kritisiern tut!
~ unbekannt, is net vu mir ~

Pinktlich wie ausgemacht kimmts zur lebergob, dor gute Maa guckt nauf de Adress un sogt gelei: „Nooch Küssnacht soll des geschickt warn, do kaa iechs doch gelei vorbeibringe, iech gieh jede Woch emol do in die schiene Gastwirtschaft. Do wär iechs dortn hinnerlegn un de Tochter hults noocherts ab.“

„Nu, des passt ja gut“, saut mei Fraa. Uhne noch wetter noochzefreegn isse eham kumme un hat des ganze gelei unnern Maadl per Händie geschriebn.



Togs drauf ruft is Töchterle aa: „Des glabst de itze net, dor Packllieferant, dor André hat mir des Packl ieberreicht, mir hattn uns untu im Ort getroffn. Un waßte, wu dar wuhnt? Gelei im Nachbarort, kaane 5 km vu hier. Do fahr iech immer vorbei, wenn iech mein Gung zur Schul breng. Un waßte aa, wu dar arbitn tut? In Weggis innern Hotel, des is gelei dortn, wu mir mol gewuhnt ham! „Nu wenn ich des gestern gewußt hätt! Iech hob miech zwar gewunnert, wu ar des mit dare Gaststätt in dein Küssnacht gesaat hat, aber mir wetter nicht dorbei gedacht. Iech wollt ja aa net esu neugierich sei un ne su aafach ausfrägn!“

De Hauptsach is, des allis su aafach geklappt hat – mit sölchn Zufälln läßt siech halt mannichs leichter dorledign.

Do sieht mor wieder mol – su klaa is de Walt.



Bis zen nächstn Packl – vielleicht klappts ja wieder emol?
Glückauf - eier Schmidt!

Foto: Küssnacht

War hat dä do mit wem in all dene ...zieh Gahrn Musik gemacht?



Do muss mor schu eweng noochkrame in dor Bildergalerie. Des sei ja hunnerte vu Biddle, die mor do durchwiehln muss. Aber – iech hob se gefundn - unnere Musikantr!

Dor Unger, Kurt
un dor Iech, (dar
kimmt noch öftersch)

De Schreiber,
Urs

Unner Annita
mit ne Ralph

De Annit, un dor
Gebauer, Günt



Ach, war des immer schie mit ne Kurt ze spielen:
“Erscht fängts mit dor Es-Dur aa, dann is eweng Moll mit drenne un noocherts giehts nei dor As-Dur! Aufpassn!”
Besonnersch bei dor Fosnd hat die lustiche Musik vor gute Stimmung gesorcht.

Hier mit dor Aushilfssängerin de Flach, Inge ...

... oder mit dor Annit, die durft wagn
dor Fosnd emol raus ausn Knast
zen Freigang...



Meestns gings ja
uhne de neie
Technik, un wenn
mor se gebraucht
hat, musst mor
erscht is passnde
Kabl suchn...

Ach ja, Zither gespielt hab iech doch
aa emol bei uns, vun Arzgebirgsliedl
bis zen Wiener Walzer.



... un die vu dor iebrichgebliebne
ETR ham aa schu mol musiziert...



Dor Weidlich, Wern war ne gute Bereicherung vor unner eichne Musik, aber leider is ar viel ze frieh vorstorbn...
Vielleicht find siech ja irgndewann wieder mol e Musikantr, dar uns kräftich unnerstizn kennt?
Bis dohie müßt ihr abn unnere Hymne per Biemer mitsinge!

Glückauf, eier Schmidt!